

偃師金石遺文補錄

偃師金石遺文補錄卷七

邑人武億虛谷原纂

秀水王復秋脞續補

後梁

贈太尉葛公神道碑

存行書貞明二年十一月在槐廟村西

銀青光祿大夫禮部尚書稱知貢舉口上柱國臣薛

口珪奉

缺

缺翰林待詔中大夫檢校刑部尚口將口口口衛大

將軍 缺光祿大夫張璉奉勅書

儀郎守殿中缺徽奉勅篆額

□□庖犧設教書契缺於焉利用缺茲二缺蓋殷周之

前將相共柄洎秦漢之後文武殊途至若綱紀彛倫範

園庶品闡揚至理崇樹鴻猷則用武之缺獨濟指夫拯

亂反正勲濟缺緒至於缺大義至公開物宏務感召和

氣底育羣生其揆一也夫物窮則變否極則通時雖類

於循環事缺雕虎缺理平缺方戡定遂生翦起韓彭扶

否口以凌霄翼真人而御極風雲之會影響無缺之期

缺豕于大田斷虵於廣陌則有故昭義軍節度澤潞等

州觀察處置等使開府儀同三司檢校太師兼缺州

大都缺焉公諱從周字通美其先濮州鄆縣秦邱里人

也口口曾祖阮祖遇賢父簡贈兵部尙書惟公世方管

其籍接神仙負山缺勵越石着鞭之志生知韜略時合

條口口弦淡爾而酌中文武居然而兼修素業唯觀于

大畧壯圖潛缺水以騰驤鵬鷲在天而凌厲自家刑國

鵠文兆忠孝之名原始要終血字表公侯之分寶惟天

缺太祖之鋒于是附鳳攀龍策名委質伐蔡之役戰酣

太祖皇帝缺之變時缺谷之隻輪不返而又青兗三寨

鯨鯢萬人勦戮無遺輜車皆棄鞶約面縛而授首口唐

魄缺邱赤崗缺山僵屍蔽野以功口檢口口部尙書時

溥復統全師陽山下寨康村接戰全軍缺返又轉口口

刑部尙缺逼上黨蕃戎喪膽缺改授懷州刺史屢立殊

勲繼膺賞典又假吏部尙書口累遷缺州刺史缺使落

落領二千騎缺馬步二千殺戮殆盡生擒落落奪馬三

千又殺蕃缺汗缺年自缺而身先幽滄克缺昭義兩使

留務蕃軍周揚五之衆結寨連營元缺俄而缺授宣義

軍行軍司馬俄代丁會入潞州俘戮缺下凡經八日納

缺加檢校司徒又入井陘攻討并部降李洪範已缺兼

加徐州缺致力缺中遭沉疴於邊上明年青齊之衆復

陷兗州缺戎捐軀濟難缺太祖缺仕加太子太師食邑

二千戶 缺

念勲勞乃睠疾恙爰隆優禮

缺

旌頒之

缺

別墅 缺

山恩異

缺

代未之有也俄而美疹滋深醫和弗

療天口口遺人之云亡恨狠

缺

尚將指馬

缺

閣江淹之

缺

簫 缺

勒 缺

十月三日歸葬於偃師縣毫邑鄉林南里之

別墅賙賻贈舍君恩

缺

尉有口五人

缺

夫檢校口部尚

書

缺將軍同正不仕次曰彥勲金紫光祿大夫檢校兵

部尚書前守洪州別駕不仕次

缺

尚書刑部員

缺

尚書

守左驍衛將軍次曰彥浦殿前受旨銀青光祿大夫檢

校太子賓客

缺

克有家

缺

英飛龍使充西京都監銀

青光祿大夫檢校尚書左僕射守左武衛將軍

缺

司徒

左威衛上將軍連榮貴戚迭照闔門玉鏡臺前匪獨推

缺禮以竭情臨喪事而銜恤始終部分薰灼一時斯又

見缺昭答之重沓皇帝臨軒軫悼撤缺癡朝缺

伊昔皇唐 運鍾百六 兵革□□ □□□□

□□□□ □□□□ □□□□ □□□□

□□□□ 我梁 授天明命 閒生才傑

克靖災青 武德孔昭 和□□□ □□□□

□□□□ □□□□ □□□□ □□□□

□□□□ 戰酣馬逸 上失銜勒 下車策之

傷面克敵 青兖三寨 鯨□□□ □□□□

□□□□ □□□□ □□□□ □□□□

□□□□ □茲大勲 傑出十亂 炳若丹書

著于史傳 □外畏威 山□□□ □□□□

□□□□ □□□□ □□□□ □□□□

增□□□ 飛蝗越境 猛獸遁去 軍食約服

盈羨廂庖 其六統衆出師 寬猛相濟 □□□□

□□照□ □□□□ □□□□ □□□□

□□□□ 悠悠丹旄 軋軋輻車 萬人之敵

六尺之軀 譬如石火 去似隙駒 □□□□

誰其問諸 □□□□ □□□□ 秋露如珠

灑君□□ 平生意氣 命世功夫 金瘡猶在

腔內永枯

其

九邨山之隅 洛水之裔 許□壯心

磨天逸勢 威聲□□ 昏衢迢遰 □辭魏闕

永謝明世

億

案葛太尉殘碑余乙巳二月始過其墓碑石舊爲

雨風激射間有存者惟下二尺餘埋淤土中尙完好
急爲剪剔出之碑內題云故昭義軍節度澤潞等州
觀察處置等使開府儀同三司檢校太師下缺數字
其所載歷官晉秩皆與傳略同五代史從周濮州鄆
城人今碑云鄆縣當時載筆者爲梁太祖父嫌名避

原缺

帥二千騎屯洹水從周以馬步二千人擊之殺戮殆
盡擒落落千陣并帥號泣而去紹威傳太祖遣葛從
周援之戰于洹水擒克用男落落以獻太祖令送于
宏信斬之晉軍乃還推斯數證舉足以見永叔曲說
非信史矣碑云歸葬于偃師縣毫邑鄉林南里之別
墅今墓碑屹立如故而齊乘以東昌路之聊城縣五
代葛從周有墓土人名曰葛塊考之未審貽此誤也
從周隸籍鄆城鄆與聊城相近當是其祖墓所在子
氏過信土人野夫之語豈非惑與補

中州金石記云碑字多摩滅書人缺名可辨者云故

昭義軍節度澤潞等州觀察處置等使開府儀同三
司檢校太師下缺云其先濮州鄆縣秦□□人也云
曾祖阮祖遇賢父簡贈兵部尚書云青兗三寨鯨鯢
萬人勦戮無遺輜車皆棄云以功缺部尚書時溥復

統全師碭山下寨云退上黨蕃戎喪膽改授懷州刺

史屢立殊勲繼膺賞典云落落領二千騎缺馬步二

千殺戮殆盡生擒落落奪馬一千云尋授節旄假缺

昭義兩使留務口軍周揚五之衆云授宣義軍行軍

司馬俄代丁會入潞州云檢校司徒又入井陘攻討

井部降李洪範云加太子太師食邑二千戶十月三

日歸葬于偃師縣毫邑鄉林口里之別墅皆與薛居
正五代史不甚異疑薛据此碑而爲傳其子見于碑
者次曰彥勳金紫光祿大夫檢校工部尚書前守洪
州別駕缺次曰彥浦殿前口旨銀青光祿大夫檢校
太子賓客則史未及載按之歐陽修史所載從周擊
晉兵事云從周以精兵自閤門出擊敗晉兵晉王怒
自將擊從周從周雖大敗而梁兵擒其子落落送于
魏斬之其言從周兵敗梁兵擒落落甚與碑異薛史
則云魏遣其子落落率二千騎屯洹水從周以馬步
二千人擊之殺戮殆盡擒落落于陣并帥號泣而去

則與碑同此碑奉勅書撰斷無冒列功狀是歐陽史
爲失實也歐陽史所載歷官晉秩亦多疏畧賴有此
證之碑云偃師縣亳邑鄉今之淮廟邨卽古西亳湯
都也進士武君億跋碑云郵縣史作郵城爲梁太祖
父嫌名避之周揚五者周德威小字史作陽誤也補
復案從周本傳載兗州齊克讓軍於任城從周敗之
擒其將呂全真淄人不受制復與之戰獲其驍將鞏
約碑云青兗三寨鯨鯢萬人勦戮無遺輜車皆棄鞏
約面縛而授首卽同此事傳載從朱珍討徐州拔豐
縣敗時溥于吳康得其輜車碑云時溥復統全師碭

山下寨康村接戰卽同此事然傳爲吳康而碑作康

村或一地有二名與傳載從周累立戰功自懷州刺

史歷曹宿二州刺史碑云改授懷州刺史屢立殊勲

傳載劉仁恭走滄州從周授宣義行軍司馬五月并

人討李罕之于潞州太祖以丁會代罕之從周馳入

上黨碑云身先幽滄克缺授宣義行軍司馬俄代丁

會入潞州皆相符合蓋薛氏爲史卽依此碑爲藥本

也傳載致仕養疾偃師縣亳邑鄉之別墅碑亦云歸

葬于偃師縣亳邑鄉林南里之別墅然則從周投老

養疴優閒于斯而縣志古跡但錄亳邑鄉于林南里

及從周別墅不載是脫記也又碑稱十月三日歸葬
從周之薨必不當十月末帝紀貞明二年十月晉王
自太原至魏州是月前昭義軍節度使檢校太師兼
侍中陳留郡王葛從周薨始有誤也從周有子五人
次日彥浦殿前受旨銀青光祿大夫檢校太子賓客
受旨卽承旨別名當以梁太祖父嫌名避之五代會
要宣徽使梁開平元年五月宣旨下徽院收管供奉
官殿前受旨官亦作受旨可以舉證若從周三代舊
史具錄惟歐史不載虛谷原跋但據歐史未證及也
前題銜銀青光祿大夫禮部尚書稱知貢舉口上柱

國臣薛口珪其缺字爲廷字舊五代史薛廷珪本傳

中和年在西川登進士第累歷臺省云入梁爲禮

部尙書莊宗平定河南以廷珪年老除太子少師致

仕記當貞明二年猶稱禮部尙書與傳合而階勲及

知貢舉皆不及之他銜作權知貢舉此作稱知貢舉

亦異文

後唐

張全義神道碑額

存篆書在縣西南經周寨

億案題額云唐故忠武口節度使贈口師諡忠肅口

王神道之口攷五代史張全義傳事梁累拜中書令
食邑至萬三千戶兼領忠武陝虢鄭滑河陽節度使
判六軍諸衛事天下兵馬副元帥封魏王至唐又加
拜全義太師尙書令改封齊王及卒年七十五諡曰
忠肅並與題額又全義雖兩封王今碑額以唐爲
斷則王字上闕文當屬齊字其爲全義無疑也省通
志作張繼祚按全義子繼祚官至上將軍以晉高祖
時謀反誅皆與碑額不侔知其失檢也

復案張全義神道碑銘前四十年間猶棄田中近土
人埋埋不可尋覓書之以志古物淪毀冀喜事者重

爲募出也

賜張繼祚勅

存行書在縣南經周寨田間無年月

勅張繼祚朕以故齊王早推德望備著勲庸久綏河洛之人再造澗瀝之地遍兼近鎮咸播休聲存旣誓於山河歿宜刊于金石今差翰林待詔張璠宣賜神道碑銘便令書石故茲示諭想宜知悉春暄汝口否

億

案碑石舊有拓本近埋淤土中始命役夫出之已斷爲二矣全義守河南三十年史稱其披荆棘勸耕殖躬載酒食勞民畎畝之間築南北二城以居之數

年人物完盛民甚賴之今勅所云久綏河洛再造澗
瀛信非誣也勅以賜全義子繼祚而省通志遂以碑
額卽爲繼祚其疎舛由此故具錄之以正訛云

復案勅文云故齊王久綏河洛之人再造澗瀛之地
遍兼近鎮咸播休聲舊五代史全義本傳初蔡賊孫
儒諸葛爽爭據洛陽迭相攻伐七八年開都城灰燼
滿目荆棘全義初至惟與部下聚居故市井邑窮民
不滿百戶全義善於撫納課部人披榛種藝且耕且
戰以粟易牛歲滋懇闢云數年之間京畿無間田
編戶五六萬又稱其尹正河洛凡四十年冊府元龜

後唐張全義自唐末爲河南尹四十年兵亂之餘再
造都畿瘞雜之民恩如父母班白耆老到今思之洛
陽搢紳舊聞記引唐鴻撰王行狀云於瓦礫邱墟之
內化出都畿所稱久綏河洛再造澗瀍者殆謂此也
全義領方鎮洛鄆陝滑宋三澁河陽再領許州皆近
鎮也勅書宣賜神道碑銘以此見褒皆與史合而五
代史闕文云讀莊宗實錄見史官叙全義傳虛美尤
甚其後歐史爲全義立傳因之亦有貶詞然于尹河
南仍著其蹟蓋五代喪亂之餘如全義委曲全濟綏
安一方固救時之良也何可沒哉

後周

勅畱啓母少姨廟記

補

存正書顯德五年七月在緱氏東南小玉庄啓母廟
鄉貢進士許中孚撰

沙門比丘僧惠林書

宗周嗣位之二葉也命授神宗德符吳穹寢被武功復
乎淳風皇教於是遐通車書以之混同異域咸寶遠邱
格白環之贄嘉祥自兆阿閣巢丹穴之禽曷覆燾之洪
均致蒸黎之雍穆古由今也不其偉歟時有縣尹外郎
彭城劉公名渙字廣澤故丞相譙國公之元子也鼎節

名家公台令族奇姿碩德爲時所稱莫不宏其學以開
之高其才以文之崇其禮以節之敦其信以成之臥錦
爲郎立事於文昌宮裏握簡就列馳芳於建禮門中洎
以清白不容權政所忌賈誼賢而見謫屈平忠而自遷
諒州縣之徒勞實銅墨之非貴有以見拘驥驟之足淹
社稷之才也先蒞伊陽次宰斯邑未嘗不稽力任以資
賦庾敷德惠以董逋逃除暴慢以恤悖黎示好惡以平
獄訟下車而民授其賜泄事而吏伏其明三年之政化
大行百里之煩苛盡去屬我皇帝翼翼萬機孜孜庶政
爲下民之革弊慮昏厲之作災用止訛風乃頒明詔曰

當聰明正直以福及人者則可以靡息宗禋或妖回魃
魅以禍苟人者則可以特加剪伐式絕淫祀永作恒規
粵是邑皇甫村有古祠者卽啓母少姨之神也夫勝事
芳猷神通靈應備於嵩少二室本廟碑表載之也斯不
復書又有濟瀆神宇一所附焉誠彩仗之行宮復雷駕
之別館欒榼穹崇而特立丹雘照灼以相鮮杳邈虹梁
聳若龍驤之狀徘徊雉堞高侔矢立之形風來而蕙帳
香生雨霽而晴軒翠滿巋然妙續迥跨神臯輪焉奐焉
不可得而論也廟貌嚴肅明靈暗通望之者敬由是興
祈之者福由是集稻梁黍稷春秋而遂布時羞絲竹陶

匏庭砌而違陳商角是得歲時序風雨順生植暢田疇
闢人獲困阜之豐里有謳謠之韻以作景福以助太和
猗歟人之禱旣如斯神之應又如此於是下以利之事
達于上上以畱之義令於下班基且廓魯壞弗加等靈
光之獨存同甘泉之但闕獲永薦奠得壯祠宮潔以祈
恩馳特牲而可進固夫層構任迳景以頻移邑人牛敬
贊等欲示後生宜刊貞石乃爲見託俾述斯文中孚學
不逮于古人詞莫窮於前事徒抽馬卿之思強濡王粲
之豪豈敢繁言庶存實錄

時顯德伍年歲在戊午柒月拾貳日記

復

案記鄉貢進士許中孚撰沙門比丘僧惠林書文

載宗周嗣位之二葉時有縣尹外郎彭城劉公名渙

字廣澤故丞相譙國公之元子也舊五代史劉昫傳

昫字耀遠涿州歸義人遷太子太傅兼左僕射封譙

國公

劉昫傳晉丞相譙國公昫之弟也

以碑證之渙爲元子傳宜附

其名而畧之不書又縣尹外郎不見職官志及五代

會要得此並足以補闕文矣渙父旣占籍歸義碑稱

彭城舉其郡望言之今通志載渙爲徐州蓋誤會彭

城之文是其舛也已碑載渙臥錦爲郎立事于文昌

宮裏握簡就列馳芳于建禮門中自以清白不容權

政所忌諒州縣之徒勞實銅墨之非貴蓋當時以縣
爲冗吏故用謫官居之宋朝事實五代任官凡曹掾
簿尉有齷齪無能以至昏老不任驅策者始注爲縣
令故天下之邑率皆不治甚者誅求刻剝穢迹萬狀
故天下優譚之言多以長官爲笑此所以銅墨非貴
也然碑稱先蒞伊陽次宰斯邑是渙以郎官謫授爲
縣其賢而獲譴已不墜其家聲至其爲政之蹟又能
資賦庾董逋逃恤惇黎平獄訟當五季之衰得吏如
此所謂不卑其官不夷其民以臻至治信足風矣碑
載屬我皇帝用止訛風乃頒明詔式絕淫祀永作恒

規周世宗本紀顯德二年五月甲戌詔宜舉舊章用
革前弊諸道府州縣鎮村坊應有勅額寺院一切仍
舊其無勅額者并仰停廢是歲諸道供道帳籍所存
寺院凡二千六百九十四所廢寺院凡三萬三百六
十碑所指正與史符然世宗既廢諸淫祀而啓母少
姨廟反得勅畱亦非經據予故以是推之太平寰宇
記偃師縣啓母少姨廟在縣西南二十五里又緱氏
縣廟在東門外路史有少室姨神廟蓋樂史所錄當卽指是廟
而踵訛增設祠宇益以夥矣碑額旣稱啓母少姨中
天大王記文又載濟瀆神宇一所附焉則亦可謂整

祠矣而碑身載緱氏縣唐興鄉皇甫村古邑聚可見
如是志皆失引可據以補遺也

偃師金石遺文補錄卷七終

邑人

徐

武穆

宣方子

愚溪

校

偃師金石遺文補錄卷八

邑人武億虛谷原纂

秀水王復秋脞續補

宋

朱生璘經幢記

存正書在縣南緱氏鎮南門外大宋乾德三年歲次
乙丑二月壬寅朔一日建

缺
院廊下僧守節卯塔記

補

存正書太平興國二年十一月在壽聖寺

缺
大寧村人也俗姓呂諱守節曩者以形僻襁褓性別

聖童獻聚塵沙必爲龍塔尊親知異尋忽出家就當縣
浴室院主僧惠舟爲其和尚而口口籠捨父妙道從師
一雷于惠露慈風能開醉眼幾過于花紅柳綠解鎖春
心時遂尸羅年登弱冠常也經持孔雀亘以形伏人神
壽口有涯世無所戀曾非久瘵歎致遷靈依法茶毗得
舍利百粒厥有門人崇臬俗弟再榮尤敦同氣彌敬精
珠共削金資起斯石卵切慮年移歲遠莫委前蹤鏤果
口因口口口

時太平興國二年十一月丁亥口

復
案塔記爲一髻徒作誌輒云形辭襁褓性別聖童

獻聚塵沙必爲龕塔蓋竊襲史記孔子爲兒嬉戲常
陳俎豆之文然謬稱若是正與庸頑相類何足異也

啓母廟石門限刻字

補

復

案石限刻字正書中鐫花樣製極工細左題云淳

化肆年歲次癸巳口口丙戌朔二十二日建石作都

料張守嚴張口口右題云維那錄事程知謙牛延頤

口口司梁思密同勾當人口口李忠信并村衆人等

大宋國洛京河南府緱氏縣太尉鄉

缺

賈邨修湯王廟

碑記

存正書大中祥符九年七月

鄉貢三禮張宗立撰書并篆額

王昔有天下時遂放桀於南巢使萬國之心咸歸一德始都亳焉在位開三面之羅缺舉善缺能不仁者矣實

聖道之廣運美紹陶唐寬宥典刑富豐比屋迺至乾坤

肅靜日月貞明八紘播義缺仁山百辟叶賢臣烈士彰

乎萬代神聖可知順地應天積薪告雨星辰垂祐稼穡

及時宵旰之情人物所感是以念桀之暴懷王之恩口

合之中乃建祠而祀之至於今也國家尚陳籩簋薦奠

弗虧本廟卽在偃師縣缺正都之邑也亳自周武王朝

歌迴因此偃息兵師故改其號不復缺可知上以聰明

正直富壽萬方屏棄回缺精勤帝道志永者缺靈無不

應淫祀者福莫降臨只不惟名著廟堂位極藩鎮則未

聞有敢不歸仰之又何況於庶士者哉邑衆初心缺廟

貌缺歲縣缺寔歷風霜缺朽梁摧樹欹缺側遂聞之於

上知缺陳議滕公以氣直道缺祀特達命筆判缺爲

許令復葺如是鄉人尋山刊木歷郡永功不倦掄材資

饒剗刷先成巍巍正殿森聳凌空南瞻萬代之龍堂北

口三齊之玉廟後缺兩序儼雅非常左連王子之鳳勝

雲霄右帶佛國之真身寶塔徘徊口繪宛若神功計三

十餘間及缺知縣郎中聆諸喜懌再三謂同寮曰此蓋

是域中人主天下虛祠位近皇都嚴持紫禁無缺四時

列鳳竹鸞絲奏陳上利見萬戶備缺仰謝深恩缺夫金

渠缺澱澶清流登豐黍稷玉華之峯巒蒼翠缺是月也

奇巧言功暫來告畢缺宿恐缺盛事缺記斯文宗立永

禮請時多缺暇慚無所見謬缺然幸望賢能恕存寶錄

鐫題永固已俟長年時大中祥符九年丙辰歲七月癸

卯朔二十日壬戌建立碑記

億案題太尉鄉攻後漢書龐參字仲達緱氏人官太

尉今此碑所指太尉鄉由仲達名也仲達爲漢賢輔

故世人重之以其歷官名鄉亦如北海高密之有鄭

公鄉然他記文皆不見獨附於此是可舉以資考也
又撰書者爲鄉貢三禮張宗立案宋史選舉志科目
內有三禮碑題銜與史符蓋宋士人以本科應舉雖
未及第猶得自書其銜如此碑下題名內又有單書
三禮某人者則爲習此業應舉之人耳

永定陵修奉採石記

存行書乾興元年八月在緱氏永慶寺

京西諸州水陸計度運使朝請大夫行尙書兵部員
外郎護軍鍾口瑾篆額

文林郎守河南府緱氏縣主簿管句採取般運山陵

石段樂輔國撰

若乃土圭定國卜洛處二宅之雄地鎮秉靈維嵩冠五岳之首風雨之所會陰陽之所和居然得天地之心綽爾是皇王之宅周漢已降實曰名都我國家運契隆興創業垂統削平多壘奄宅中區京邑長百萬之師城闕有億兆之衆相水陸五達之要寶漕運萬計之饒所以控淮汴之上游爲都畿之勝地比之全盛又絕擬倫伏自太祖太宗應順天人追尊祖禰欽崇懿號遷奉寢園乃於定鼎之都以卜藏金之地爰從吉兆實建宏規協舉孝思高邁五陵之制恭承道蔭聿鍾萬世之基大行

皇帝祇席璿圖恢融寶命啟迪精妙逢迎粹和紹二聖
之令猷超九皇之懿範睿文冠古窮經天緯地之源神
武膺期成撥亂反正之業仁以守位孝以奉先四時固
絕於畋遊七廟彌敦於恪謹爰自君臨兆庶德服華夷
運神策於邊荒執利器於掌握四夷卽叙不施烽燧之
輝百姓乂安不識軍旅之事繇延怙泰盛節交修翠嶽
混金聿舉增高之典神雕奠璧復施益厚之功以至延
歛馭於寰清授珎符於秘殿奉希夷之誨昭示仙源瞻
睟穆之容延昌寶祚顯道宗之積累則幸景亳以朝真
答紫帝之貽謀則款陽郊而薦號顧能事之畢舉仰宸

念而增虔肝旻萬機焦勞庶務六一丹就百靈無舐鼎
之緣二十功成口后有攀缺揖之歎莫不哀纏聖嗣痛

結宮闈六龍未遠於杳冥四海遠聞於遐密倏臨遠日
爰上廉仟指瀝澗之濱口蒼梧之野尼徒集事豈易其
人首命威塞軍節度使侍衛親軍步軍副都指揮使夏
公守恩充修奉部署左驥驥使忠州防禦使入內都知
監公繼宗充修奉鈐轄二公荷先朝拔擢之恩副當寧
選掄之寄同心戮力夙夜在公仗鉞而來得以便宜從
事募諸道兵士工匠來赴力缺表請文武官僚使命分
掌其事雖欽承治命以儉約而處先而遵法古儀在堅

固以爲事計用安砌皇堂石二萬七千三百七十七段
門石一十四侍從人物象馬之狀六十二凡有名山悉
皆尋訪緱氏縣南有粟子嶺者蓋少室之西山萬安之
東嶺也多產巨石巖稜溫潤罕與爲比輔國忝居麾下
仍屬提封首奉指蹤往司計置還以益贍爲言乃命中
貴內殿崇班李知常左侍禁李丕遠與輔國同辨其事
部領工匠四千六百抑山并般運兵士二萬七千此山
也深入煙蘿攀沿峭峻不迷行路杳絕居民固無井泉
以充日用汲引甚遠飲歡或愆士民之心方增勞止忽
有石泉一眼湧出并巖谷中有清泉一派臨於山址其

源深而流長其味甘而且美挈瓶而至有若雲屯熬熬之心不勝其樂倘非一人之孝感二公之至誠不能致也拜井水湧詎止於耿恭刺山泉飛靡專於李廣挺生傑出何代無人此山舊有神祠綿歷時歲棟宇摧壞且基址具存因與同僚議其完葺揆諸材瓦假力餘工會未浹旬儼然新廟冀其降福以庇茲民復有靈虵出爲瑞應其色皎潔其狀蜿蜒爰有飛章達於天聽特詔中使頒睿旨賚名香率道流二七人建靈場三晝夜并設清醮以答神貺而又屢宣宸慈撫恤士伍餌以醫藥賚以物帛羣情感激罔不盡心每梯霞躡雲崧崖抱棧若

履平地咸欲先登鑿琢之聲聞數百里凡所攻採應手
而得號令所出如同影響般輦相繼有若風雷而未及
前期厥數大備自暮春之令序逮獻裘之屆辰以日繁
時其功就畢洎乎充用抑有羨餘輔國獲處下風叨預
陳力備觀事實仍仰徽猷秉筆直書辭亦無愧至於崇
奉陵域種植松楸嚴肅威儀秘遠宮闕規模宏壯制度
久長亦二帥之輸忠諸君之協葺固不可得而備言也
聊書採石一時之事乃萬分之一二矣時乾興元年八
月十日記左侍禁提舉山陵逐程排頓及馬遞鋪管勾
採取般運石段李丕遠書及刻字內殿崇班提舉山陵

逐程排頓及馬遞鋪管勾採取般運石段李知常山陵
修奉鈐轄左騏驎使忠州防禦使入內侍省都知勾
當皇城司同整肅隨駕禁衛藍繼宗山陵修奉部署侍
衛親軍步軍副都指揮使威塞軍節度使夏守恩

億案碑漫漶尋其可與史證者惟藍繼宗見禮志志
云山陵按行使藍繼宗言據司天監定永安縣東北
六里曰臥龍岡堪充山陵詔雷允恭覆按以開皇堂
之制深八十一尺方百四十尺制陵名曰永定今碑
云繼宗充修奉鈐轄又云山陵修奉部署以見繼宗
必初爲按行而後又充修奉史文或不備附於此見

之也職官志使職兼領者親祀南郊則有大禮禮儀
南簿橋道頓遞五使籍田泰山封禪汾陰奉祀恭上
寶冊南郊恭謝皆如之案橋道頓遞使當太祖崩而
太宗時尹開封固嘗任之尋又兼領五使則志於大
喪充使職者亦當備載其綱而後云某官充某使方
爲得要也記所載李丕遠李知常並有提舉山陵逐
程排頓及馬遞鋪等職蓋亦頓遞使之遺也

復案記載命威塞軍節度使侍衛親軍步軍副都指
揮使夏公守恩充修奉部署宋史列傳守恩字君殊
并州榆次人天聖初加步軍副都指揮使威塞軍節

金不其子利金卷ノ
度使爲永定陵總管以碑攷之稱修奉部署卽總管
之謂也若侍衛親軍傳蓋闕書又碑在乾興元年八
月已有步軍副都指揮使威塞軍節度使銜名則傳
言天聖初非矣此時仁宗卽位尙未改元不宜以建
號之年書之

西京永安縣緱山通天觀重修昇仙太子大殿記

存正書明道二年六月在緱山仙君廟

朝奉郎度支員外郎直集賢院同判河南府輕車都
尉謝絳撰

將仕郎守河南府右軍巡判官王顧篆額

豫章僧智成書

夫大道希微而不可詰者尸萬化之育而歸於自然上
帝杳冥而所以尊者宅太虛之奧而蘊於無迹有生御
辯材如委蛻列真炳靈歛若脫屣是皆籍在仙品格於
殊鄉茫乎邈焉未易究極者矣昇仙太子參華帝胄遺
榮少海注瑟對暝臣之問挹袂接浮邱之游去龍樓於
震宮作鳳吹於洛曲三年上賓於帝所七日舉手於雲
阿陞石弼於玉晨職金庭於桐柏丹符素券親受紫陽
空洞靈音迭歌勾曲遺俗凝慕邈聞吸日之誣故山橫
絕綽有順風之拜因是標槩作爲叢祠光塵藹如區處

增盛唐天后聖歷中親製紀勒石設置守衛厥後靡易
基兆再新觀宇年筭寢遠壤梁不支殿屋之餘鞠爲宿
莽初天聖四年今西都分憲趙公以祠部郎中治園邑
也會出境上卽款廟庭念高構之衰乘民政之隙謀作
大壯以舍真像公首捐資用及率額里人呂仲簡等相
與伙助聿來營之粵自仵圖迄於役罷日力無亟夫家
不勞饋地爽且靈蔚爲福庭重階叢楹茲焉落成山月
林風徘徊有待雲璈玉簫盼靈如接眸容淵穆而森儼
峴仗琴麗而肅設控衆真之妙境奠景室之神隲音徽
未泯軒臺西向而可畏岸谷相變靈光巍然而獨存而

與夫姑射仙人能飲露建安舊壤州名墜馬者比美焉以余稔聞興葺懼逸歲月見咨譏述不獲讓焉明道二年六月一日記

中奉大夫太常寺少卿權西京留司御史臺上柱國天水縣開國男食邑三百戶賜紫金魚袋趙世長建

孫將仕郎守河南府永安縣尉垂佑同立助緣人進士口拱學究趙靜董正馬驥教練使呂若冲姪仲宣勾當人馮遂

億

案碑記西京留司御史臺趙世長首捐資用重營殿宇也首列朝奉郎尚書度支員外郎直集賢院同

判河南府輕車都尉謝絳撰絳見宋史本傳云會修國史以絳爲編修官史成遷祠部員外郎直集賢院又云因請便養通判河南府案碑所謂同判河南府是其時也但碑以尙書度支而史作祠部宜以碑爲正至篆額爲王顧顧於史無傳今可見者將仕郎守河南府右軍巡判官職官志軍巡判官無左右之文錄此以補史所未備歐陽集有河南府司錄張君墓表云得金谷古塢命太原王顧以丹爲隸書今篆額者亦卽其人則篆隸顧蓋兼之矣古人材而且藝益足寶也表言張君卒在明道二年八月王顧旣爲之

書博納曠而篆額亦以是年六月必與希深同居幕府也希深以文學知名余觀碑所記雜於神仙方士家言蓋不稱其體製余故不具論碑陰宣和己亥題名一右側元符庚辰題名一紹聖元年題名一左側元祐庚午題名一

中州金石記永安縣緱山通天觀重修昇仙太子大殿記碑文工整字亦端秀有唐虞褚風格縉流辦此當有書名而不聞其人或有捉刀者與

補

復案記列朝奉郎尙書度支員外郎直集賢院同判河南府輕車都尉謝絳撰東都事畧本傳爲國史院

編修官稍遷直集賢院以父年高請便養通判河南
府亦不書爲尙書度支員外郎又階朝奉郎爵輕車
都尉傳皆逸之碑載同判傳作通判避章獻太后父
諱也齊東野語本朝章獻太后父諱通嘗改通直郎
爲同直郎通州爲崇州通判爲同判通進司爲承進
司通奉爲中奉通事舍人爲宣事舍人至明道間遂
復舊希深爲文時當天聖四年故猶緣舊諱言之

新修會聖宮碑銘

存正書景祐元年九月在孫家灣

翰林學士金紫光祿大夫行給事中知制誥判集賢

院勾當三班院上柱國樂陵郡開國侯食邑一千二
百戶臣石中立奉勅撰

翰林待詔御書院祇候臣李孝章奉勅書并篆額

臣聞宅萬邦而垂統者帝王之不業也故奉先之道崇

其孝而爲大亘百世而流光者祖宗之懿德也故錫羨

之慶

石本缺慶字

炳其耀而彌顯成周之卜惟洛祀

石本作食今作

祀宜依石本

驗風雨於神樞炎劉

石本缺劉字

之祚

石本作祚作

我上

京遊衣冠於高寢蓋以欽其世列奠厥靈居履霜露以

沾裳聿凝宸感列枌榆而設

石本建字

社爰考國章非夫寫

奕垂休無以襲巍巍之盛吉蠲致饗無以表烝烝之恩

寶系有開皇眷攸屬我國家應五運之會接三神之歡

炎上騰精赫淳耀而斯渥靈長啟祚濬洪源而莫紀太

祖誕受休命恭膺正統下民欣戴洽謳歌而有歸協氣

橫流偉符瑞之交薦振一戎而大定總萬化

石本
廷字

而克

昌化迪清夷

石本
缺

世

石本
缺

臻

石本
缺

蕃

石本
缺

衍太宗挺維

膺之德恢至治之具聲明震疊紀律昭宣嘉靖庶邦以

攬乎權綱之要欽承天命

石本
大下

以建乎中和之極舜

階舞羽而遐裔來格羲圖畫象而斯文曲備德崇富有

而遐字至富有
字石木俱缺

業臻太平真宗紹慶

石本
作復

丕基憲章遠

古重華協帝天啟於神謨濬哲維商日躋於聖敬

石本
作政

宅羣萌於醴粹納百揆於雍和展采芹

石本作介邱今本脫介字邱誤

作芹以答清寧之祝

此句石缺今本有

鳴鸞景亳以揚希濶之儀

微胡瑣而不頤光有容而必照卓越之度不可稱已皇

上財成景化祇適先猷蘊清明而在躬守慈儉

石本缺以

爲質

石本作寶

御六氣之辨統

石本缺

和於天人躬千畝之耕

憂勤於稼穡

二字石本缺

嚮明成南面之治下令如流水之

源欽恤庶刑以徹乎脂網之密詢求多士以來乎骨髓

之議賁金玉以垂度一文軫以同

石本作敦

風德洞淪冥信

周翔洽

石本作泳

興廉舉孝所以炳乎

二字石本作灼於

邦光紀好

息

三字石本缺

民所以厚於時聘夫贊揚迪

四字石本缺

哲至道

也陛下能行之虔恭勞謙聖則也陛下能守之滋液之

休披圖而可見幅員之廣闢繼以維明其居也靜而淵

其動也博而利域石本躋壽而胥悅家懷讓而敦勸繇

三字石本順考古道欽奉天經眷三川之舊都乃列聖之

攸宅土圭測景契陰陽之和文龜負圖開神明之奧水

繹繹以凝耀氣葱葱而發祥兆域有嚴封樹相望三后

在天而垂貺萬靈五字石本護野以兆石本休陟配于京

既崇其規格因山爲體自成於宏厥分繚垣而屹立植

雙表以齊平折衷其宜高視前世以爲墳衛之禁素舉

於夔章蘋藻之奠未廣於寅奉謹按地誌昔王山者冠

於諸阜僉曰隕區協太史之明占

石本缺

錫鳳臺而祀號

前瞻少室偉靈異之所躔却負太行逸穹旻之設險控

川陸之兼會介周鄭之通衢嵩顏豁以中開溪聲浩其

雙接自天聖八年孟春之初首

石本缺

議胥宇俯壽原之

爽塏擬闕

石本作闕

宮之靚深揆緯裁基以程乎豐約審曲

面勢以極乎經營人以悅來匠以心競林衡潺水

石本作潺

木文禮綺柏之質山積而登用大壯取象上棟下宇之

飾翬飛而增麗餐餘霞於鏤粲歷倒景於脣梁

二字石本缺

珠

石本作殊

庭砥平界道繩直磬他山之石以巖

四字石本缺

於

交楯節睢陽之杵以峻於頰棚

石本作棚

據寶勢之凌競邇

初陵之岑寂圓淵綺煥翔鷗仰而弗逮重椽櫛比尺蠖
動而成響翼長廊之四姓

石本姓
作注

旅萬楹而有閑輪焉

奐焉稽百堵之詠去泰去甚振三代之規章程明密而
神迷其方登降照爛而目眩其際不愆於素罔或告勞

越明年閏十月十有五日宮成隱若中天宛若仙域

三字

石本作
如化出

乃降溫詔命曰會聖揭諸銀榜

石本
作廟

煥在璇題

保天祚於寢

石本
作寢

昌旌神功於不朽爰

石本
作於

是宏開秘

殿儼設辟容珠幄煥黃藻旒掩藹鼎峙而分聖位玉溫
而聳天暉想壘壘穆穆之風尊嚴可象仰翼翼卬卬之
德表則斯存率拱侍於勲臣灼爲儀於近列其中則珠

堂天蓬瓊壁環周約妙繪以交施象內朝之有肅銀鑄

左留給事殿省之列旅陳於外壁臺金屋充選掖廷之

綴序分乎內銜鈴石本樹組石本焜耀蔽日之旌鸞列

於前刻羽流商焜耀蔽日三句石本無此據文以外內

天之奏與銜組樹羽義更不屬舊志本當可據但未審李孝章奉勅書何爲疎漏至此激越鈞天

之奏鱗集石本於後百司具備五彩咸彰正爵辯儀趨

翔而中節隨行象頌一字石本炳煥以揚輝落成之日特

遣使以奉安之昭殊禮也復陳法醮旋建石本清場延

駕筵石本之高真集屏塵之上士金仙羽屬凌汗漫以

交舒紫極靈章叩清明而上達仍開宮五日許士庶朝

謁衣纓雜襲綺組縉紛摳

石本

裳連襪以並趨蹈德詠

仁而得樂表裏悅穆室家相慶繁縟之

三字石本缺

典煥乎

石本

維作惟新每星駟展輪天機促駕或銜如絲之旨或被

追鋒之召施悠悠而照野人憧憧而假途咸造於庭以

申虔奉疏淪澡雪以滌於陳襟攀

二字石本缺

跪曲拳以遵

於臣禮著在令甲

石本作甲令

垂爲景猷揚世廟之威神示

朝家之軌範命中使總蒞其官闔闢有程督察無曠仍

卽其東南之地特崇其象設之居寶色煥乎焜煌禪林

美乎紫映霓軒雲閣隆九仞於鹿園夕

二字石本缺

梵晨鐘

交二音於鷲嶺曲池涵功德之水

二字石本缺

衆果散清涼

之陰

二字石本缺

勝侶狎臻法筵大啟廣宣妙諦以扇一極

之風恪奉真游以濟三乘之轍四字

石本作事

之資給豐矣

百福之莊嚴備矣若乃寒暑易候寅昏警時陳植

一字石本

缺

壁之多儀展所馱之精意仙縝

石本作唄

交發將崖

石本作崖

谷以共清嬰香馥芬與煙雲而競合泐

石本作等

海聚之無

量期道濟於不窮神其格思化感無外此乃陛下聿追

來孝翁受敷施瀆發膺心以

石本多以字上

加於百姓貧

威景命以

石本多以字上

奉於十倫宜乎純嘏來同不應

紹至霈殊休之汪濊治靈寢之鴻平丹羽巢阿綸紛而

表慶仙衣拂石延懋以齊榮永底蒸民之生茂揚盛德

之事者矣臣職塵局禁學昧縑緇石本踞影丹帷曷承

答於清問褒功鏤石本石莫摠發於英辭仰被俞音內

增惕慮敢揚懿範庶示方來銘曰

炎靈起運赤符呈祥造我區夏揚其烈光真系有屬鴻

徽聿昌緹軸石本茵藹瓜瓞縣長於鏤三后繼天作聖

丕冒生民紹聞明命則堯爲大興黃比盛九服咸歸萬

景攸正我皇嗣統化格澤石本淳照漢石本雲章石本

獨運陶鈞禹不自暇石本湯維又新漏泉疏渥弛罟推

仁奉若先猷崇茲孝志在祀彌恤因心罔匱對越清廟

備成福事孺慕興懷時思展義乃眷洛土二字石本實

作溫洛

惟帝都壽陵高敞拱木紛敷風樹不止春露旣濡必崇
行宇永奠靈區爰建清宮俯臨劇縣率見昭考以時致
薦列堵若星揮斤軼電凹凸凝采丹青點絢雲屋天搆
陽榮霧披以安靈展以奉仙祺垂旒寫照澤玉含姿克
昌厥後永言孝思飭啟梵庭廣營佛寶禪慧攸集土木

兼造球

石本
作珠

幡映日金繩介道讚頌交誦

一字石
本缺

薰修

致禱惟祖德兮詒謀惟帝心兮荷休誠優肅之所感期
戩穀以來求經始勿亟兮卜茲寶勢告厥成功兮靡逾
間歲壯崇址兮控山川佐石本
作祐丕圖兮垂億緜石本
缺景
祐元年歲次甲戌九月丁亥朔十三日巳亥建

中書省玉冊官御書院祗候臣 缺

入內內侍省內侍高班勾當會聖宮同監修碑樓臣楊承政
缺入內內侍省內西頭供奉官監修碑樓權勾當會聖
宮臣蕭繼元

禮賓副使勾當御藥院提點管勾會聖宮臣任承亮

金石攷景祐元年呂仲元撰志載元祐九年建宋臣
石中立撰文或係重修爲文以記

童鈺按歐陽公有會聖公頌未見石刻現有會聖宮
碑乃景祐元年石中立撰李孝章書金石攷以爲呂
仲元撰不知何據縣志以爲元祐九年亦誤

億

案玉海天聖八年正月辛巳詔內臣張懷恩於永

安縣嘗王山上建三聖宮

漢原廟之制

九年二月宮成甲

辰以爲會聖宮三月甲寅奉安三聖御容改嘗王山

爲鳳臺山今碑所謂嘗王山首冠諸阜僉曰隩區協

太史之明占錫鳳臺而紀號卽此事也

史文于改山名畧而不書

至碑云自天聖八年孟春之初首議胥宇下云越明

年閏十月十有五日宮成宋史仁宗本紀八年春正

月辛巳作會聖宮於西京永安縣與玉海同至云三

月甲寅奉安太祖太宗眞宗御容于會聖宮則脫書

九年矣今碑文所載越明年閏十月十有五日宮成

下云宏開秘殿儼設辟容則在九年十月與玉海記
九年三月者月則迥殊而言八年三月奉安御容者
又差隔一年則誤也會要云閏十一月十五日宮
成遣三司使晏殊迎三聖畫像奉安攷是年十一月
不置閏會要當于十字下衍一字其餘皆同此碑
當時所書必非舛誤宜依碑爲正

中州金石記云宮在北邙山鳳臺山上爲宋時祭陵
飲福之所宋史云天聖八年春正作會聖宮于西京
永安縣以奉三聖御容歐陽修亦有會聖宮頌云國
家采漢書原廟之制作宮于永安以脩園寢碑立

景祐蓋天聖年作宮至是始成也宋時永安金改芝
田縣今爲偃師芝田鄉碑云按地志訾王山者冠於
諸阜僉曰隕區考水經注洛水又北逕偃師城東東
北歷鄴中逕訾城西司馬彪所謂訾聚也訾王山當
以訾聚得名矣

補

復案前列銜翰林學士金紫光祿大夫行給事中知
制誥判集賢院勾當三班院上柱國樂陵郡開國侯
食邑一千二百戶臣石中立奉勅撰宋史石熙載傳
子中立字表臣同知禮部貢舉判集賢院頃之復糾
察刑獄領三班院歷右諫議大夫給事中入爲翰林

學士刊秘閣知制誥與碑結銜悉符然遺其階金紫
爵樂陵郡侯不書亦非也宋朝事實西京永安縣會

聖宮有五聖神御殿據碑首載太祖誕受休命恭膺

正統

云

云次及太宗挺維睿之德恢至治之具

云

云

又真宗紹復丕基憲章遠古

云

云後稱三后在天而

垂貺萬靈是會聖宮亦爲三聖神御殿宋朝事實作

五聖字形涉似致訛

偃師金石遺文補錄卷八終

邑人

徐

武

穆

淳

淳

愚

溪

校

偃師金石遺文補錄卷九

邑人武億虛谷原纂

秀水王復秋塋續補

宋

重修泗州大聖殿記

補

存行書慶歷四年二月在壽聖寺

湯維撰

蓋聞如來膺聖爰演化於西方雄釋闡揚乃傳流於東
土口夢而遐臨帝室振錫而遠格摩騰悟彼正真始究
三乘之旨達斯妙理是成六譯之文中有助佛宣教其

惟大聖者哉觀乎應變難窮行惠無量秘真軀於勝地
供儀相於諸方今有河南府偃師縣泗州尼院舊塑真
容莊嚴宛若然香花之將虧顧堂殿之非口芝田鄉南
栢谷村天水趙繼昇端謹自立口節不逾尤藝術之素
高實純和之稱譽言之海量處衆蘊寬厚之情念彼塵
勞悟性得逍遙之趣嘗因瞻口發願興修乃以羨餘將
謀基構首俾斤斧之匠施成杞梓之材豈期繼昇俄浮
世以告口靡逾於籌算嘗慕聖而恭志克盡于前緣嗣
子口口口遺體承家奉先思孝義方之訓咸自於庭
闈風木興悲口口徒傷於罔極是以仰遵先志式副夙

誠誘化鄉人同助建立以日繼月革故從新法宇既成
彩繪俱畢香燈口施善口識隨喜有歸瓶錫臻嚴比邱
尼焚修因愈增口則慈雲布口昭顯則惠日口光愧乏
時才褒揚盛事口乎口口因誌永年 大宋天聖六年
歲次戊辰三月二十日立

慶歷四年二月十五日復建立舍屋十口堂三間永安
縣柏谷施主趙用方王明又劉全劉宗元道士夏清譽
書

復案大聖殿記湯維撰道士夏清譽書天聖六年立
石慶歷四年復建今碑陽刻熙寧元年勅牒此又轉

刻因易表爲裏土人因便取利往往如是記云芝田
鄉南栢谷村證以韋子能建經幢記云西京河南府
偃師縣芝田鄉楊村是芝田鄉實屬偃師矣而他石
記又稱永安縣芝田鄉者景德初置永安割偃師之
境入之由此也

太平寰宇記緱氏芝田
鄉在縣北是又屬緱氏

重修仙鶴觀記

存正書在縣南緱氏鎮西仙鶴觀

前進士王夷仲撰

缺
老之法要其所歸惟清靜寂滅全自然之性不以外
物縻於中者也佛之法老之法也遷史叙老子

缺
又傳

記有說老子缺域而始爲浮圖者所以其書相出入轍

雖異而其歸一也其法芽于漢蔓於晉魏梁隋之間後
之欲佛道之相勝也則佛者必忌於老老者必疾於佛
迭攻交毀岐而二焉然佛之宮遍處天下竦然相望鮮
華偉壯莫之與加其徒豐衣旨食幾中夏四民之口傾
奉之心猶慊慊然患不能穹隆極侈以充其志也老之
居雖通都大邑不口一二垣頽屋敗僅有存者其徒常
汲汲於蚤暮間且猶不克自資於溫飽也嗚呼彼何盛
而此何衰耶豈佛之者能恢張其說謂極天之上而上
際地之下而下洎人之死生去來貴賤壽夭凡生人之

大惡欲莫不畢出於佛而主之焉是以鼓動羣衆使趨向之如走號令雖四海九州之外莫不一其心也老之法有羽化久視毆役鬼神移變星文之休咎口於禴禴厭伏之事口雄偉大苟奉而有之豈少哉蓋佛者衆而老者寡天下之人隨時趨舍向於彼而忽於此也故欲治老之宮者非奉道篤信之士不可成已緱氏縣前記有周靈王太子晉控鶴昇仙之事故城東三里有仙鶴觀者得號於李唐間年祀寢遠屋址因廢慶歷中里中之樂善者凡數十人相與歎曰是觀且廢今不能復之則何以使瞻仰信奉以漸於善乎乃卜地得縣署之西

南而裁百步狀於縣大夫冀君膺爲請命於府曰可得
道士左慶之清苦者也使居且治之□□年觀之門墻
殿宇就慶之一日造吾門且曰爲是觀也用非蠹於民
而積可其微以足其須役非擅而作蓋卽舊號而起其
廢功非逾乎制而裁能庇其像請文勒石以章興修之
志於後余謂蠹於民擅於役逾於制者皆過也今無一
焉惡得不爲之書乎哉大宋皇祐二年九月乙酉記將
仕郎守河南府緱氏縣尉張昭與將仕郎守河南府緱
氏縣主簿劉丕右班殿直監西京緱氏縣鹽酒稅孟延
亨書并篆額□郎□□虞部員外郎知河南府緱氏縣

事上輕車都尉賜緋魚袋路綸觀主賜紫左慶之立石

億案宋史言宋初內外所授官名非本職唯以差遣

為資歷建隆四年詔選朝士分治劇邑大理正奚嶼

知館陶監察御史王佑知魏楊應夢知永濟屯田員

外于繼徽知臨清常參官宰縣自此始日知錄引又于慎

行筆塵云宋時大縣四千戶以上選朝官知小縣三

千戶以下選京官知故知縣與縣令不同以京朝官

之銜知某縣事非外吏也然則今碑題銜虞部員外

郎知河南府緱氏縣事正以朝官為之蓋緱氏於宋

為畿縣其地繁劇故知縣事者每重其人也

復案仙鶴觀記前進士王夷仲撰後列名銜將仕郎
守河南府緱氏縣尉張昭爽將仕郎守河南府緱氏
縣主簿劉丕右班殿直監西京緱氏縣鹽酒稅孟延
亨書并篆奉缺虞部員外郎知河南府緱氏縣事上
輕車都尉賜緋魚袋路綸觀主賜紫左慶之立石凡
四人惟昭爽見縣志職官表餘俱闕載

重修仙鶴觀實錄

存正書在仙鶴觀記碑陰

武威安道卿書

緱氏縣郭下燈油醮社故比部郎中孫劉荀等經縣陳

狀請到東京上清宮賜紫道士左慶之充仙鶴觀主焚
修住持開排施主如後郭下安中素捨施地基二十八
畝三分係正稅絹七尺外別無青苗稅數亦無官私地
課郭下女弟子董氏獨辦修蓋正殿一坐郭下女弟子
閻氏獨辦塑老君并部從等郭下韓宗正施造老君塼
坐一所郭下王居安自辦材木修道堂一坐郭下田又
裝土地里域真官兼造堂一所左慶之與醮社等同共
修真武殿一坐并門樓了當此仙鶴觀元在縣東三里
已來年代深遠倒塌荒廢至大宋慶歷六年三月中依
本縣圖經內名額重修皇祐二年庚寅歲九月乙酉建

安中素施石

億

案宋史王安石傳及食貨志青苗法自安石始立
在神宗時今碑陰記云施地基二十八畝三分係正
稅絹七尺外別無青苗稅數碑之建當仁宗皇祐二
年已有此敝法疑不可曉也或未變法以前稞稅內
已立青苗名目安石因倣而行之輸歛倍甚民始重
困耳然則青苗名稅所起久矣又碑言燈油醮社今
鄉人猶於諸寺廟供燈立社亦其遺俗也仙鶴觀在
縣東三里遺趾猶可推尋考方志宜無忽于此矣
咳餘叢考王安石以青苗錢禍天下人皆知之然青

苗錢之名不自安石始也宋史趙瞻對神宗云青苗法唐行之於季世范鎮亦言唐季之制不足法按通鑑唐代宗廣德二年秋七月稅青苗錢以給百官俸此青苗之始也舊唐書乾元以來用兵百官俸乃議於天下地畝青苗上量配稅錢命御史府差官征之以充百官俸料遂爲常制尋又特設使者如崔渙兼稅地青苗使劉晏兼諸道青苗使杜佑充江淮青苗使是也食貨志大歷元年天下青苗錢共四百九十萬緡每畝稅三十文永泰八年詔天下青苗地頭錢每畝一例十五文德宗又增三文以給彊騎通鑑

原缺

陽縣時天下無事政闕不講以兵言者爲妄人公乃著
叙燕息戍等十數篇以斥時弊時人服有經世之才文
康王公知而薦之召試充館閣校勘遷太子中允時文
正范公治開封府每奏事見上論時政指丞相過失貶
知饒州余公安道上疏論救坐以朋黨貶監均州酒稅
公慨然上書曰臣以仲淹忠諫有素義兼師友以靖比
臣臣當從坐貶崇信軍節度掌書記監鄂州商稅歐陽
公永叔移書讓諫官不言又貶夷陵令當是時天下稱
爲四賢徙唐州丁父憂服除復得太子中允知河南府
長水縣趙元昊反康定元年春寇延州大將劉平逆戰

陷虜天子乃命文莊夏公都部署陝西之兵開府永興
軍以經畧招討之予與范公爲之副公爲判官未幾上
遣翰林學士晁公宗慤入內都知王守忠督出兵攻賊
合府議奏曰今將興兵尙未習練願謹邊防期以歲月
平之使還而賊復寇鎮戎軍部將劉繼宗禦之爲賊所
敗詔下切責俾以進兵月日來上府中復議曰將在軍
雖得以自便然攻守大計當稟算於朝廷乃畫攻守二
策余與公詣闕奏之唯上所擇詔取攻策已而難之事
方寢賊復遣人以書叩延州僞請和而大舉兵寇涇原
之山外殺部署任福公時在慶州得涇原求援書卽移

文慶帥其部將劉政銳兵數千人便道走鎮戎去至賊引去夏公奏公爲專徙通判濠州又改秦州遣知涇州徙涇州兼管勾涇原路經略部署司事涇原乘葛帥懷敏覆車之後傷夷殘缺千罅百漏公夙夜撫葺一道以完時宣徽使鄭公爲陝西四路帥主靜邊寨主劉滬議遣其屬官著作佐郎董士濂與漚於章川堡南入諸羌中開道二百里修水洛城以通秦之援兵公曰賊數犯塞必併兵一道五路帥之戰兵嘗不登二萬人而當賊旣舉國之衆吾兵所以屢爲賊困者山黃石河路來援雖遠水洛路二日而援師安然以濟今無故奪諸羌

田二百里列堡屯師坐耗芻糧不勝計以冀秦援一二日之速則吾兵愈分而邊用不給矣乃奏罷之便詔從之會鄭以府罷改知永興軍乃罷而帥牒飭滬等督役如初二人者遂不奉詔興作不已公遣人召滬者再不至乃命瓦亭寨主張忠代滬滬復不受代部署狄公於是親至德順軍攝滬士廉下獄差官按問而鄭比奏本道沮滬等功朝廷卒薄滬等罪徙公慶州而城水洛焉會慶帥孫公請終任改知晉州慶歷四年契丹遣使報西戎元昊詔河陝三路要郡皆擇人徙知潞州當范公之在二府也余安道歐陽永叔輩並爲諫官天下屬望

諸公日竭忠獻納不避權貴而公方勤勞塞上遠違朝
廷暨諸公相繼罷去而天下目之爲賢者執政指之爲
黨皆欲因事斥逐之士廉者卽詣闕上書以水洛事訟
公且誣公在渭有盜賊制使承風指按驗百端不能得
一豪以汙公有部將孫用者出于軍校嘗自京取民息
錢至官貧不能償公與狄公惜其材乃分假公使錢俾
償其民而月取其俸償于官逮按問而錢先已輸官矣
坐此貶公崇信軍節度副使徙監均州酒稅得疾沿牒
至南陽訪醫藥疾革對賓客妻子無一感言整冠帶盥
濯怡然隱几而卒時年四十七慶歷七年四月十日也

公天性慈仁內剛外和凡事有小而可矜者必惻然不忍發見顏貌及臨大節斷大事則心如金石雖鼎鑊前列不可變也在軍謙勤愛士雖悍夫冗列皆降意容接故人人願盡其力所至郡邑修設條教務以實惠及下去則人思之文章自唐衰歷五代日淪淺俗寢以大敝本朝柳公仲塗始以古道發明之後卒不能振天聖初公獨與穆參軍伯長矯時所尙力以古文爲主次得歐陽永叔以雄詞鼓動之於是後大悟文風一變使我宋之文章將踰唐漢而躡三代者公之功爲最多初朝廷之將用攻策也命葛懷敏出鄜延道勸兵綏宥間攻賊

積聚招懷種族奪其要害而保障之賊知朝廷之威必
翫然來服則久而易制公曰是行也不患將卒無勇患
應敵寡謀耳乃自請參議懷敏行營軍事有詔如請而
事中罷今夫文武之士平居議論慷慨自爲忠義勇決
世無及者一旦遇急難而試之往往魄喪氣奪百計避
脫雖以富貴誘之猶掉臂而不顧余居邊久閱人多矣
如公挺然忘身以爲國家者天下不知有幾人嗚呼以
公文武之才犖犖然震動天下如是而曾不得一紆所
蘊于公卿之位輔致太平之業而反遭羅譏毀遂終貶
官此當世守道之士所以仰天歎呼疑爲善而得禍而

中人者引以爲監思擇利而自安也然上以聰明仁恕御天下一細民之枉必矜而獲辨如公以文致其罪未有抑而不申者也故當時指以黨而排去者不四三年間皆復顯官處大任使公年且及此其進擢可量哉奈何乎天不與公之壽也悲夫公累遷官至起居舍人直龍圖閣娶張氏鹿邑縣君以順以慈克正家道後公七年而亡兄源太常博士亦以文行稱于世弟湘三班奉職沖秀州華亭縣主簿濤涿未仕并先公而卒沂資性淳茂動謹門法子男四人長曰朴奇尙博學有父風其二未名俱早世其幼曰構今方十歲女五人長適虞部

員外郎張景憲次繼適張氏次適太常寺太祝謝景平
次二人幼未嫁朴文學器識足以嗣公而敦尚名節無
仕進意至和元年十二月朴構舉公夫人之喪葬于緱
氏縣某鄉之某原從吉卜也范公嘗以書謂余曰世之
知師魯者莫如公余已爲其集序矣墓有表請公文以
信後世余應之曰余實知師魯者又得其進斥本末爲
最詳其敢以辭旣實書其事矣又考性命之說而表于
墓曰嗚呼自古聖賢必推性命如公之文武傑立而貫
以忠義兮此天之性位不大顯遭讒而跌且不壽兮此
天之命雖孔孟不能以兼適兮尙一歸于默定昧者不

思而妄求兮徒自奔于邪徑故公臨禍福生死而曾不
少變兮是能安性命而歸正唯大名赫然日月之光兮
亘萬古而增瑩吾聞善人者天必報其後兮宜嗣人之
蒙慶

復

案墓表載師魯貶崇信軍節度掌書記監郢州酒
稅徙唐州蓋郢州爲初貶其後量移始徙唐州東都
事畧洙本傳惟書貶監唐州而畧郢州于事從畧爲
失其實表稱知河南府長水縣東都事畧止云知河
南縣所書更造異當以表爲正

賜陳繹飛白書碑記

存正書在縣西南依麓寨招福寺

臣充友人陳繹喪其母居於緱氏之野間使人來告曰繹不幸少孤今年春老母以天年終京師歸塋於此未幾而先皇帝棄羣臣遺制之來斬焉在衰絰之中無籍以通不得與於朝脯之臨招福寺昭陵復土不得列於同軌之末拊心自悼閒則抱賜書以泣賜書者嘉祐八年正月先皇帝遣中使所賜御飛白字也其下寶畫存焉泣已則又私自念君賜如是雖巾箱之秘神明所護非鏤金石不足以久貧無以家唯先墓之廬有置錐焉將刊諸琬口爲不朽之觀俾千萬年子孫實寵嘉之較

之夸鄉人以組負遺弓而號者不猶愈哉子狀吾意臣
辭讓不得命因應曰善恭惟先皇帝之德在臣民在草
木在鳥獸其遺風餘烈在史官在宗廟器在曼世之傳
其在筆墨文字者特其土苴緒餘雖然聽政之隙不用
之於田獵聲色而留意藻翰如是之精非天縱之聖孰
能與此哉陳繹河南人少取進士第有名聲於朝而善
爲文其拜賜也方爲秘書丞集賢校理觀其意可知其
人時嘉祐八年冬十一月十日京西諸州水陸計度轉
運使兼制置本路營田勸農使朝奉郎尚書兵部員外
郎充集賢校理輕車都尉賜緋魚袋借紫臣吳充謹記

并書丹朝奉郎守殿中丞知河南府緱氏縣事騎都尉
臣陳知和題額

億

案宋仁宗賜陳繹飛白帝字以充所記賜在嘉祐

八年正月其刻在是年十一月蓋仁宗已升遐而繹
追感立石于招福者也按大蘇集仁宗皇帝御飛白
記爲王誨作亦以其父舉正慶歷中所賜端敏二字
刻石而傳之然則當時宸翰所頒爲世秘寶久矣飛
白字自唐以下余所收及者僅此是又可珍也吳充
題銜京西諸州水陸計度轉運使兼制置本路營田
勸農使朝奉郎尚書兵部員外郎充集賢校理輕車

都尉賜緋魚袋借紫證之宋史本傳惟云歷知陝州
京西淮南河東轉運使亦太闕畧宜互證於此碑也
又輿服志太宗太平興國二年詔朝官出知節鎮及
轉運使副衣緋綠者並借紫今題銜借紫之名由此
陳繹傳繹開封人攷充所記乃云河南人又云繹喪
其母居於緱氏之野緱氏地亦近河南或上世占籍
開封而繹現居河南充故以此書之宜有據也繹本
傳爲館閣校勘集賢校理刊定前漢書居母喪詔卽
家讎校今碑云爲秘書丞集賢校理正相符

復案陳繹謁金天祠題名在華嶽頌碑自述其里居

亦云河南陳繹此又舉一證容齋三筆歐陽公在仁
宗御書飛白記云予將赴亳假道於汝陰因復閱書
于子履之室而雲章爛然輝映日月爲之正冠肅容
再拜而後敢仰視蓋仁宗皇帝之御飛白也曰此寶
文閣之所藏也胡爲乎子之室乎曰曩者天子燕從
臣于羣玉而賜以飛白予幸得預賜焉烏有記君上
宸翰而彼此稱序且呼陸經之字據是則吳充此記
首稱臣某云蓋于文體深得其宜充與歐陽同時
而所記次若此洪氏未目及之也